

A desvela borchí di caya na honor di Rudy Croes



Weekend ultimo a tuma luga e ceremonia unda a desvela e borchí di e caya na honor di Hyacintho Rudolf (Rudy) Croes. E caya ta cuminsa na rotonde di Plaza Status Aparte te na rotonde di ex-Drive In.

Prome Minister Evelyn Wever-Croes tabata presente pa e ocasion importante aki hunto

cu coleganan minister y varios parlamentario y colega di Partido MEP.

Rudy Croes a nace 5 di september 1946 y a fayece na edad di 75 aña dia 20 di november 2021. Den su carera politico Rudy a sirbi pais Aruba como Parlamentario y Minister.

Rudy Croes tabata un persona hopi stima den Santa

Cruz. Pa hopi tempo e tabata den arena politico como minister y parlamentario pa partido MEP. Ademas, e tabata integrante di e famoso Grupo di Betico, y a ehersa trabounan social, caritativo, y tabata activo den diferente area di deporte. Tambe den su tempo liber Rudy tabata activo den e "Harley Davidson Riders Club".

Prome Minister a splica riba e procedura di e peticion pa dedica un caya na un perso-

na cu ta a base di un lista di cierto cantidad di firma di habitantenan di e caya unda ta muestra cu nan ta di acuerdo cu e cambio di e nomber. E peticion tambe ta contene un descripcion di logronan di e persona, no solamente pa loke ta trata su trabao, pero tambe logronan pa pais Aruba. A base di esey, e peticion lo wordo tuma na consideracion.

"Esaki ta djis un parti chikito di e biografia di Rudy. Awe

ta asina leu cu Gobierno ta dedica e caya aki na Rudy Croes. Tabata un anochi agradabel unda su yiunan, rumannan, famianan y coleganan di Partido Movimiento Electoral di Pueblo a reuni pa e momento memorabel y a recorda logronan grandi di Rudy. Santa Cruz y Aruba ta dedica e caya aki na e gran persona Rudy Croes. Danki Rudy, pa tur loke bo a haci pa nos dushi isla Aruba", Prome Minister a expresa.

Organisacionnan social ta uni pa carga e Vision Sosten pa Mayor

Siman pasa, Comision Vision Pedagogico a organisa un "kickoff event" cu a conta cu un sala yen di profesional cu ta lanta tur dia pa traha na bienestar di nos muchanan. E evento aki ta cera un trayectoria caminda organisacionnan riba tereno social a pasa aden hunto y cu sosten tecnico di UN-



CEF Hulanda pa por yega na un vision colectivo pa "Sosten pa Mayor" aki na Aruba.

Na mes momento e evento ta marca un inicio di un proceso unda lo duna e vision aki bida door di wak con cada organisacion cu a aporta na esaki por carg'e. Pa e ocasion historico aki un delegacion di cinco persona di UNICEF Hulanda como tambe un delegacion di Corsou cu ta consisti di tres miembro di nan Comision Pedagogico a bin presencia e desaroyo aki di cerca.

Sra. Ytske van Winden como un experto di UNICEF cu amplio experiencia internacional riba e tereno di sosten pa mayor a haci un presentacion y a elabora riba e importancia di tin un vision y e elementonan esencial cu e

ta wak den e vision cu Aruba a desaroya. El a remarca especificamente cu e proceso cu e ta wak riba nos isla ta uno cu e no a topa den tur e diferente paisnan cu el a traha y cu e colaboracion y union cu tin riba e tema aki ta impresionante.

Si nos wak e Tratado Internacional di Derecho di Mucha, e papel cu mayornan ta hunga ta uno importante, manera naturalmente boso sa caba. Lantamento di mucha ta parti di un fundeshi importante di un sociedad fuerte y sano. Ora cu mayornan sinti nan apoya, muchanan tin mas chens pa crece den un ambiente cu ta nifica cu nan por desaroya nan potencial completo. Ora cu tur mucha por haci esaki, nos comunidad tambe ta prospera a largo plaso.

E Comision Vision Peda-

gogico a ser instala desde 2016 y ta presidi door di Departamento di Asunto Social y tin como miembro tur e instancianan cu tin como meta principal diario pa duna mayornan sosten.

E organisacionnan aki ta: Fundacion Pa Nos Muchanan, Tienda di Educacion, Wit Gele Kruis y Fundacion Respeta Mi. E comision ta conta cu un sosten di aproximadamente 30 organisacion cu tambe ta carga e vision pa lanta muchanan den un ambiente safe y amoroso pa nan por desaroya nan capacidad maximo. Nan ta compronde cu cada famia tin su propio situacion, preguntanan, y decisionnan cu nan mester tuma. Pa e motibo aki mes ta esencial pa nos sigura cu mayornan tin e recursonan y sosten cu nan mester pa guia nan den e biahe aki.

Nos ta buscando ABO!

Posicionnan disponibel:

• Colorista

Como Colorista, bo lo ta encarga di nos laboratorio di mix di verf Wanda y Sikkens.

Bo rol ta incluye:

- Guia y train nos empleadonan cu ta traha cu verf, pa optimalisa y fortifica e departamento
- Implementa procesonan pa minimalisa e perdida of desperdicio di verf durante produccion
- Ofrece tur nos clientenan un servicio cordial y excepcional

Requisitonan:

- Diploma of certificacion den Colometria of uno similar
- Mas di diez aña di experiencia den mix di verf pa auto
- Habilidad y experiencia como trainer

• All-Around Team Member

Como un miembro di nos team, bo ta e punto di contacto pa nos clientenan, asistiendo nan cu:

- Servicio cordial y excepcional
- Consejo tocante e mihor manera pa uza nos producto
- Mezcla y uzo di producto di verf
- Resuelve cualkier reto cu por surgi

Nos ta busca un persona cu:

- Tin energia y creatividad, gana di siña y traha
- Ta confiabel y por depende ariba dje
- Ta flexibel y detallista
- Ta traha bon den un team

Experiencia den spuit of bodywork ta un bentaha extra!

Manda bo CV na:

ricky@carcolour.aw | WhatsApp 566 2375

Of pasa libremente na nos oficina

CAR COLOUR ARUBA